

VORREDE DER FASSUNG α.

[CRONICA FRATRIS KOERNERS A CONSTITUCIONE ROMANE
CIVITATIS¹.]

Quoniam^a infima huius mundi diligentia animo intuenti satis lucide appareat, quod librorum copiosa diversitas, presentis vite exigua brevitas, memorie atque reminiscencie sedula labilitas non paciuntur omnia dicta et precepta pariter animo apprehendi, quare michi omnium fratrum meorum minimo visum est^b, ut pro modulo mei ingenii, divino iuvamine mediante, ex plurimorum librorum summa unum opusculum compingerem compendiose et summatim, in quo vita gestaque gentilium et philosophorum nec non bella regum tam eorumdem quam Cristi fidelium una cum moribus et factis pontificum orthodoxorum aliquantulum legentibus et audientibus patefierent, ut non tantum ex philosophorum moribus ac prelucidis multorum Romanorum conversacionibus pontificum ad extirpandum scelera sectandumque virtutes exitarentur^b, verum etiam ex bellis famosis circumquaque usque in presens per orbem inter diversa regna et regentes^c commissis, vel antequam veniret rex noster pacificus, qui locutus est^d pacem in plebem suam^e, quanto fervore contra hostes spirituales et pro gloria celesti pugnare debeant, informarentur. Illi quidem utpote infideles huius salutis et glorie ignari ac penitus exsortes tam acriter dimicaverunt pro salute temporali tantum et gloria momentanea vel adipiscenda vel tuenda. Ex cede^e quoque hominum in eisdem preliis innumeraliter perpetrata licet advertere severitatem dei in reprobos, quos quasi pecora vilia inutiles et abiectos reputans, peccatis eorum exigentibus, tot eorum milia tamquam innumerabiles multitudines in singulis fere bellis per manus hostium interire simulque in corpore et anima passim perire permisit; econtra vero bonitatem eiusdem et clemenciam in electos, pro quibus veniet in fine rex Israel mutato habitu^f, ne agnosceretur ab hostibus, id est forma servi suscepta^g, nostre mortalitatis armis indutus, ut quod infirmum est dei, forcius esset hominibus^h, in campum certaminis huius mundi pugnantisⁱ, contra quos debellaturus advenit et, ut eos ab utraque morte misericorditer liberaret, usque ad proprii sanguinis effusionem multiplice et copiosam insuper et usque ad mortem ignominiosissimam tam fortiter agonizavit et vicit.

Est igitur inicium huius opusculi ab constructione egregie civitatis Rome. Sicud enim legitur in speculo historiali, ab antiquo due fuerunt tantum civitates per totam Theutoniam *u. s. w.*

a) Quoniam α. b) exitarentur α. c) regentibus α. d) fehlt α. e) cedis α. f) pugnantes α.

1) So lautete die aufschrift des alten jetzt erneuerten einbands der Wolfenbütteler hs. 2) Die ersten worte sind dem beginn des prologs zum 'Speculum naturale' des Vincenz von Beauvais nachgebildet: Quoniam multitudo librorum et temporis brevitas memorie quoque labilitas non patiuntur cuncta que scripta sunt pariter animo comprehendendi, mihi omnium fratrum minimo plurimorum libros assidue revolventi ac longo tempore studiose legenti visum est tandem *u. s. w.* 3) Psalm. 84,9. 4) 2 Paralip. 18,29. 5) Phil. 2,7. 6) 1 Cor. 1,25.